

Улуус хаһыатын 65 сылын көрсө

«ЛЕНИН СУОЛА»
— СРЕДНЕЛЕНСКЭЙ
ОРОЙУОН ОРГАНА

Средненеленскэй оройуон «Ленин суола» хаһыатын бастакы редакторынан Ленинградтаабы урдүкү партийнай оскуолаҕа бүтэһик курска үөрэнэ сылдьар Павел Павлович Никитин бигэр-гэтиллибитэ. Ол гынан баран үөрэҕин хойут бүтэрэн үлэтин атырдьах ыйын 1 күнүттэн саҕалаабыта. Редактор эбээһинэһин редакторы солбуйааччы Петр Петрович Аммосов толорбута, икки ый курдук. Кэргэнэ улаханлык ыалдьан, кэнники өлөн ыам ыйын 1 күнүттэн үлэтигэр босхолонон Бороҕонно көспүтэ. Онон редактор эбээһинэһин 3 ый мин, Еремеев В.Л. партия райкомун бюротун уураабынан толорбутум. Онтон 3 ый редакторы солбуйааччы эбээһинэһигэр олорбутум. Редакторы солбуйааччынан 1963 сыл сэтинньи 21 күнүттэн Алексей Игнатьевич Ксенофонтов кэлбитэ. Онтон ыла мин тыа хаһаайыстыбатын отделын сэбиэдиссэйэ буолбутум.

Саҥа тэриллит «Ленин суола» хаһыакка бастаан эппиэттир секретарынан Аким Иосифович Гоголев, сурук отделын сэбиэдиссэйинэн Иван Васильевич Хачиров, литсотруднигынан Михаил Яковлевич Колесов, корректордарынан Елена Дмитриевна Сивцева, Ульяна Ивановна Черепанова, фотокорреспонденынан Федот Слепцов, машинисткаларынан Зинаида Павлова, Варвара Решетникова, шоферынан Василий Колмогоров, курьер-уборщицанан Мария Федорова үлэлээбиттэрэ.

Сыл анарын иһигэр састааптыт улахан анара уларыбыта. И.В. Хачиров, М.Я. Колесов, П.П. Аммосов о.д.а. атын үлэҕэ барбыттара. Ол иһигэр редакторбыт П.П. Никитин «Кыым» уонна «СЯ» хаһыаттар холбоһуктаах редакцияларын отделын сэбиэдиссэйинэн өрө таһаарыллыбыта. Саҥа ананан кэлбит редактор Петр Федорович Сячиков даҕаны уһаабатаҕа, киин уобаласка көспүтэ.

1965 сыл тохсунньу ыйтан редакторынан Алексей Игнатьевич Ксенофонтов, редакторы

солбуйааччынан мин, отделлар сэбиэдиссэйдэринэн И.П. Егоров, П.П. Бестинова, литсотрудниктарынан Федор Игнатьевич Васильев, Клара Иннокентьевна Макарова, корректорынан Варвара Прокопьевна Решетникова, фотокорреспонденынан Егор Дьяконов, машинистканан Мария Григорьевна Федорова балаҕа уһундук үлэлээбиппит. Эппиэттир секретарыт А.И. Гоголев, отдел сэбиэдиссэйэ П.П. Бестинова саастарынан пенсияҕа тахсан уурайыттара.

Редакция үлэһиттэрин эдэр ыччатынан солбуйар үлэ утумнаахтык барбыта. Учууталлар Николай Михайлович Рыкунов, Игнат Павлович Павлов, зоотехник Валентина Кирсановна Романова, орто үөрэхтээх Степан Овчинников, Владимир Ядреев, Николай Дьяконов, университеты бүтэрбит Андрей Дьяконов, партоскуола истээччилэрэ Валентина Никифорова, Инно-

кентий Осипов редакцияҕа бастакы сүрэхтэниилэрин барбыттара. Н.М. Рыкунов Гоголевы солбуйан эппиэттир секретарынан, А.Г. Дьяконов, И.В. Осипов отдел сэбиэдиссэйдэринэн үлэлээбиттэрэ. Кинилэр уонна С. Овчинников, В. Ядреев, К. Макарова, В. Никифорова үөрэхтэрин салҕаан урдүк үөрэхтэммиттэрэ.

Средненеленскэй оройуонунан олодохпутуна илин энгэртэн ордук хото суруйаллара. А. Го-

голев, К. Готовцев, М. Тролуков, А. Охлопков о.д.а. нүөмэри көтүппэккэ бэчээттэтэр курдук элбэх матырыйааллары суруйаллара. Арҕаа энгэртэн А. Хачиров, П. Сивцев, М. Ядрихинская, П. Оконешников, М. Иванов, П. Владимиров, П. Протопопов, С. Евсеев, Г. Кокорев, Д. Данилов, Е. Протопопов активнайдык кытталлара. Итинтэн да көстөрүнэн ыччат аһыахтык суруйара.

Средненеленскэй икки оройуон буолбутун кээнэ даҕаны, Уус-Алдан оройуонун биһиги хаһыаппыт балаҕаа өр, сылы эрэ кыйбат кэмгэ сырдата олорбута. Оттон кинилэр туспа хаһыаттамыттарын кээнэ «Ленин суола» хаһыат Нам оройуонун органын быһыытынан үлэлээбитэ. Очотооһута 2000-тан итэҕэһэ суох тираһынан тахсар хаһыаттарга эрэ 4 балаһаны көнүлүүр сорук турорбут-

БИИРГЭ ҮЛЭЛЭЭБИТ
ХАҢЫАЧЧЫТТАРЫМ

тара. Биһиги тыһыынчаттан тахса эрэ ааҕааччылаах буоламмыт, икки балаһанан тахсар кыһалҕаа киирэ сылдьыбыппыт. Партия райкомун тэрийиитинэн кылгас кэм иһигэр бары бииргэ түмсөн, турунан салгыы сурутууну ытан хаһыаппыт 2000-тан тахса сурутааччылаах буоларын ситиспиһит.

Хаһыаты типографията суох хайдах да бэчээттээбэккин. «Колхоз сирдытэ», «Ленин суола» бэчээттэниилэригэр типография коллективын сыралаах үлэтин ахтыбакка хаалар сатамат. Типография хаһыат бастакы нүөмэрин бэчээттигэр сэмэй кылааттарын киллэрбиттэри ахтар тоҕостоох.

Бастакы наборщиктар Т. Филипповаттан, А. Барамыгнаттан саҕалаан илиилэринэн биирдии буукубаны талан, атахтарынан үктээн бэчээттир массыынанан бэчээттээн оройуон хаһыатын киэн ааҕааччыга тиэрпит кырдыаҕас көлүөнэ полиграфистар (бастакы бэчээтчиттэр, кэнники директордар) бырааттыы Егор, Петр, Афанасий Дмитриевич Егоровтар, Василий Винокуров, Конон Лебедев, Мария Егорова, Мария Аргунова, Марфа Сивцева, Варвара Данилова, Олимпиада Соловьева, Полина Колпашникова, Анисия Романова, Евдокия Захарова, Светлана Делашова, Матрена Замятина, типография директордара Н.П. Колпашников, И.К. Кривошапкин, Н.А. Лугинов, Т.Е. Сивцев о.д.а. үтүөлэрэ үгүс.

Кинилэр туйахтарын хатаарааччылар - арыый эдэрдэр таһаарылаах үлэлэринэн үөрдэллэр. Эдэрдэр үтүөлэрэ инникитин ахтылла туруоҕа.

В. ЕРЕМЕЕВ
(Салгыыта бэчээттэниэ)

И.Сивцев коллаһыгар: хаһаастан уҥа — *Василий Лазаревич Еремеев, Екатерина Семеновна Васильева, фотокорреспондент Николай Никитин, Дьяконов, редакторы солбуйааччы Иван Петрович Егоров, корректор Варвара Прокопьевна Решетникова.*